

NALUNAARUT!

Ukiumi aningaasarsiorfiusumi 2012-mi akileraarutinut akiliivallaarutigisimasanik utertoortussanut pisortanullu akiitsulinnut Akileraartarnermut Aqutsisoqarfimmi Akiliisitsiniartarnermut Oqartussaasut akiliisitsiniutigineqartussanut tunngatillugu tamakkerlugit unerartitsivigineqarlutik ilanngaaffigineqarnissaat, inangiivigineqarnissaat arsaarinnissuteqarfigineqarnissaallu matumuuna nalunaarutigaat.

Ukununnga akiitsunut ilanngaassisoqassaaq:

- Akileraarutinut akiitsuutinillu akileeqqusilluni piumasaqaatit taakkualu erniaannut sullissinermullu akiliutit ilanngullugit piumasaqaatit tamaasa.
- Ineqarnermut akiliutinut, qularnaveeqqusiissutitut uninngatitanut inissianullu attartortittakkanut Kalaallit Nunaanni Namminersorlutik Oqartussanit pigineqartunut iluarsartuussinermut akiligassanut piumasaqaatit tamaasa.
- Illuliornermut tapersiissutinik taarsigassarsiat inuussutissarsiutinullu tapersiisarfimmit taarsigassarsiat, Kalaallit Nunaanni Namminersorlutik Oqartussanit taarsigassarsiaritinneqarsimasunut piumasaqaatit tamaasa.
- Kallerup inneranut / imermut / kiassarnermullu Nukissiorfimmit akiligassatut piumasaqaatit.
- Ilinniaqarneriutinut/Ilinniarnep nalaani taarsigassarsianut piumasaqaatit.
- Kalaallit Nunaanni Namminersorlutik Oqartussanit imaluunniit Namminersorlutik Oqartussat suliffeqarfiutaasa arlaannit akiligassatut piumasaqaatit allat suungaluartulluunniit.

Inangiineq, Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq, Inatsisartut inatsisaatigut nr. 4-kut 26. april 2007-mi allanngortinneqartukkut akiligassanik akiliisitsiniarneq ukununnga tunngatillugu pissaaq:

- Piumasaqaatit Kalaallit Nunaanni kommuunit arlaata ikiorsiissutinik utertitsisussaatitaanikkut akiliutigigallarsimasai.
- Piumasaqaatit Kalaallit Nunaanni kommuunit arlaata pilersuisutut akilersuutinut naafferartumik siumoortumik akiliutigigallarsimasai.
- Piumasaqaatit Kalaallit Nunaanni kommuunit arlaata inuussutissarsiornermut tapersiissutitut taarsigassarsiarititai.

Arsaarinninneq pissaaq, Kalaallit Nunaanni Eqqartuussisarnermut inatsimmi immikkoortoq VIII, kapitel 47, § 598, imm. 2 aamma 3 naapertorlugu pinngitsaaliissummik akiitsorilersimasat, taakkulu ukuupput:

- Taarsigassarsianit utertillugit akiliutissatigut imaluunniit illuummik pigisanilluunniit qularnaveeqqusiinikkut pisortaniit taarsigassarsiat erniaasigut piumasaqaatit
- Pisortat inissiigallarnermut, kiassarnermut, kallerup inneranut, imermut eqqaavilerinermut anartarfilerinermullu akiliutinik piumasaqaataat.
- Pisortanut akileraarutit akitsuutillu Kalaallit Nunaanni inatsit atuuttoq naapertorlugu akiligassat.
- Piumasaqaatit pilersuisutut akilersuutinut Kalaallit Nunaanni oqartussaasunut akiitsunut tunngasut.
- Piumasaqaatit pilersuisutut akilersuutinut danskit naalagaaffiannit aalajangersarneqarsimasat naapertorlugit, kiisalu akileraarutinut akitsuutinullu piumasaqaatit, Danmarkimi akiliisitsiniutigineqarsinnaasut.

- § 627 naapertorlugu aningaasat taarsiiffiginnissutit.
- Taakkua saniatigut pisassat Namminersorlutik Oqartussanut attuumassuteqartut, inatsisartut inatsisaat imaluunniit inatsisartut peqqusutaat naapertorlugit pinngitsaaliissummik akiliisitsiniutigineqarsinnaapput.

Kiisalu ilisimatitsissutigineqassaaq, pinngitsaaliissummik akiligassanut il. il. Eqqartuussiviup akiliisitsiniarnermut oqartussaataitaanit piumasarineqartunut arsaarinnittoqarsinnaasoq.

Ilanngaassineq, atuutilersitsineq akiliisitsiniarnerlu pissapput akiliisitsiniarneq aningaasarsiatigut, akilersuinissamik isumaqatigiinnikkut pinngitsaaliissummilluunniit pigisanik tigoraaannarnik matussuserneqarnissaa isumaqatigiissutigineqareersimagaluarpalluunniit.

Akiitsullit, 2012-mi akileraarutitigut akiliivallaarutininik tunniussineranut atatillugu ilanngaassineranut, atuutilersitsineranut akiliisitsiniarnermulluunniit akerliusut, Akileraartarnermut Aqutsisoqarfimmi Akiliisitsiniarnermut Oqartussaasup allaffianut, uani adressiata allassimanagera nanineqarsinnaasumut: www.aka.gl saaffiginnissinnaapput.

Ukiumi aningaasarsiorfiusumi 2012-mi inaarutaasumik nalunaarutip akileraarnikippallaarsimasutit takutissappagu Akileraartarnermut Aqutsisoqarfiup 2014-mut siumoortumik nalunaarsuineranut atatillugu 18.000 kr.-it tikillugit nalunaarsuutininut ilanngussinnaavai, Namminersornerullutik Oqartussat Nalunaarutaat nr. 2, 1. december 2006-imeersoq naapertorlugu. Tamanna 2012-mi inaarutaasumik nalunaarummi 2014-milu skattikortimi takuneqarsinnaassapput. Akileraarnikippallaarutitit naatsorsuutininut ilanngunneqanngippata PBS aqutugalugu septemperi, oktoberi novemberillu qaammataanni 2013-mi akileeqqusissutinik nassinneqassaatit.

Nuuk, august 2013:

*Namminersornerullutik Oqartussat
Akileraartarnermut Aqutsisoqarfik, Akiliisitsiniartarnermut Oqartussaasut
Postboks 1605
3900 Nuuk*